



UNIVERSITÄTS-  
BIBLIOTHEK  
PADERBORN

**Adnotationes || Et Meditationes || In Evangelia Qvae || In  
Sacrosancto Mis-||sae Sacrificio || Toto Anno || Legvntvr;||**

**Nadal, Gerónimo**

**Antuerpiæ, M. D. XCV.**

Feria IIII.

---

[urn:nbn:de:hbz:466:1-78158](https://nbn-resolving.org/urn:nbn:de:hbz:466:1-78158)

cè desiderat: ab illis non ita mouetur, atque si nullum esset aliud pramium, vel aliud nihil per se desiderandum? Contra verò, si obturbent desolationes & tribulationes, quis est qui non fatiscat? qui animum non despondeat ac debilitetur: deuotionem, actiones pias vel non prætermittat, vel non agat desidiosè? postremò non ita se gerat, quasi in consolationibus sit summum bonum, in desolationibus malum summum? Quod nõ est. Creatura enim vtræque sunt nobis dispensata à Deo, vt illis adm. in oculis ad nostram vtilitatē, & Dei gloriam vtram sapienter, sobriè, ac patienter. Magnum nobis indies periculum, sancte IESV, imminer ab his consolationum & desolationum vicissitudinibus: idem enim in harum desiderio vel fuga cecimus, & in earum vsu ab scopo & veritate aberramus. Doce cor nostrum sancte IESV. Audio Domine consolationem bonam quidem esse & vtilem nobis; sed non minus bonam & vtilem desolationem; nonnunquam esse vtiliorem, vt tibi placet Domine. Vendum sapienter consolatione ac sobriè: desolatione patienter atque alacriter: vtræque perfectè. Consolatio, vt promoueat potentias nostras ad virtutem, non absorbeat voluptate; ne sistamus in illa, sed ex illa in Deum, & voluntatem eius faciendam feramur; indignos esse nos consolatione omni existimemus, desolationem omne gaudium esse deputemus, in illa gloriamur, per illam nos IESV esse imitatores sciamus: illam esse crucem nostram,

qua sine non possumus Christi esse discipuli, nec intrare in regnum celorum sine tribulationibus. Ne despondeamus animum fratres: in tribulatione enim posita est salus nostra in Christo. Communicatio est eius passionum tribulatio: non enim glorificabimur cum Christo, nisi cum eo compatiatur. In tribulatione nobiscum est Deus, adiuvat nos, dilatat cor nostrum: dat lucem oculis mentis desolatio, si quis illa scitè viatur. Quàm multa nos prætereunt! in quàm multis erramus in consolatione! non de ipsa, sed de nobis, quibus in consolatione omnia videntur bona per abusum consolationis. Contra verò aperit nobis oculos mentis desolatio, & multa tunc videmus in nobis, vel vitanda, vel emendanda, quæ in consolatione non animaduertebamus. O sanctam & dulcem desolationem, & admirabilem ijs quos interius doces Domine. Da mihi hoc donum Christe IESV benigne, & habebò paradysum in hac valle miseriarum. Neque enim nostra est tribulatio, vt tua in Cruce fuit, vbi absque consolatione vlla à Patre fuisti derelictus. Nostræ tribulationes non eiusmodi sunt, etenim harum acerbiter fastulit illa tua extrema, & alia bone IESV: & nunc continenter tuo merito, tua oratione apud Patrem illas lenis, tuas reputas semper omnes nostras passiones, nostra etiam peccata. Illa continenter Patri per passionem tuam, & omne vitæ tuæ meritum representas: & exaudiris quidè semper pro tua reuerentia & dignitate. Amen.

## FERIA QVARTA POST PRIMAM DOMINICAM QVADRAGESIMÆ.

Quærunt signa à IESV Iudæi.

MATTH. XII. LUC. XI. ANNO XXXII.

In xxx. imaginem adnotati iunctula.

xxx.

46.

A. Domus in Capharnaum.

B. Multitudo signum petunt quidam de Scribis & Phariseis.

C. Christus? elo spiritus respondet illis senerè: Generatio mala &c.

D. Ienas fugit, absorbetur & euomit à ceto, uenit

Niniuem, concionatur.

E. Salomon in throno gloria sua, ad quem venit Regina Saba.

F. Homo à quo vnus Demon exierat.

G. In cum irruunt septem alij nequiores Diaboli.

MATTH. XII.

LVC. XI.

T<sup>a</sup>VNC responderunt ei quidam  
de Scribis & Phariseis dicentes;  
Magister, volumus à te signū videre.

*Et alij tentantes,*

*signum de celo querebāt ab eo.  
Turbis autem concurrentibus  
cepit dicere;  
Generatio hac, generatio ne-  
quam est;*

Qui respondens ait illis;  
Generatio mala & adultera signum  
quærit, & signum non dabitur ei,  
nisi signum Ionæ Prophetæ.

*Nam sicut fuit Ionas signum  
Niniuitis, ita erit filius homi-  
nis generationi isti.*

Sicut enim fuit<sup>d</sup> Ionas in ventre ceti  
tribus diebus & tribus noctibus, sic  
erit filius hominis in corde terre tri-  
bus diebus & tribus noctibus.

Viri Niniuitæ surgēt in iudicio cum  
generatione ista, & condemnabunt  
eam, quia pœnitentiam egerunt in  
prædicatione Ionæ;

*ad prædicationem Ionæ,*

& ecce plus quàm Ionas hîc.

Regina Austri surget in iudicio cum  
generatione ista, & cōdēnabit eam,  
quia venit à finibus terræ audire sa-  
pientiam \* Salomonis; & ecce plus  
quàm Salomon hîc.

*cum viris generationis huius,  
& condemnabit illos:*

Cum autem<sup>f</sup> immundus spiritus  
exierit ab homine, ambulat per  
loca arida quærens requiem,  
& non inuenit.

*de homine, per ambulat per  
loca inaquosa*

*& non inueniens  
dicit;*

Tunc dicit;

Reuertar in domū meā vnde exiui:  
& veniens inuenit eam vacantem,  
scopis mundatam, & ornatam.

*Et cum venerit inuenit*

Tunc vadit, & assumit septem alios  
spiritus secum nequiores se,  
& intrantes habitant ibi;  
& fiunt nouissima hominis illius  
peiora prioribus.

*& ingressi*

Sic erit & generationi huic pessimæ.

ADNO-

## ADNOTATIO.

A. **D**omus in urbe Capharnaum intelligitur, intra quam interrogatus à quibusdam Scribis & Phariseis respondit Christus.

B. Scribae & Pharisei malitiosè signum ali- quod à Christo sagittantes, cui non erant credi- turi, etiam si plura fecisset miracula quàm fe- cerat, vel esset facturus: & de calo quidem pete- bant signum, similiter atque Elias & Samuel fecerunt.

C. Christus autem zelo spiritus sui illis re- spondet seuerè pro illorum merito: Vos pravi ho- mines estis, & adultera generatio, (quo verbo tam priorem patrum, quàm ipsorum presentem infidelitatem designat, ut inquit Chrysostomus.) Quare indigni estis signo alio, quàm quo con- fundamini. Esto igitur vobis signum Ionas, ex cuius predicatione sunt conuersi Ninuiter: esto Regina Austri, id est Aethiopiae & Saba, quae ve- nit à terra sinibus, ut sapientiam Salomonis au- dices: Et amen videtis hic qui penitentiam, qui sapientiam vobis praedicat maiorem Iona, sapien- tiam Salomone, nec agnoscitis: illi igitur vos condemnabunt in resurrectione.

D. Ionas fugit à facie Domini in Tharsis; id est in mare incertum, ut navigaret, modo à Iu- daea fugeret. Quod (ut inquit Hieronymus in

Ionam) magis conuenit fugituro & timido, non locum fugae otiose eligere, sed primam occasionem arripere fugiendi. Conscendit quidem nauim Ioppae: excitat a autem sua tempestate, suo con- silio in mare proiectus, ab ingenti ceto exceptus est, & triduo in ponto Euxino in terram exposi- tus, ut refert Iosephus ex Hebraeorum commen- tarijs, inde per Armeniam in Assyriam proxi- mam regionem, & Ninuen peruenit. Certè si in Cappadociam, vel maiorem Armeniam est eiectus, breuius potuit Ninuē peruenire, quàm si in quocumque aliud littus.

E. Salomon in throno suo, ad quem, ut eius celebrem sapientiam audiret, venit Regina Sa- ba & Aethiopia, cum magno comitatu, & cum ingenti thesauro & opibus. Hec fuit etiā Aegypti Regina, cuius erat regia initio Merocis Insula Nili, tempore autem Christi & Apostolorum dicebatur Regina illa Candace, nec obtinebat Aegyptum. Dicitur verò venisse à sinibus terra, quod ab interioribus Africae, non longe ab aequi- noctiali.

F. Homo representatur à quo Demon vnus exierit.

G. Idem in quem rursus septem nequiores atque importuniores, Diaboli introcunt.

## MEDITATIO.

**D**ocuit nos sapientia Dei IESVS pro- ximo Euangelio consolationes spiri- tuales, & desolationes, vel tribulationes quo loco habenda sint: hoc verò viam ostendit qua emendemus, si quid in illis rebus vtendis errari à nobis contingat. Audite fratres, audi- te pij omnes quid fieri soleat. Secedit quis ad exercitia spiritalia, quae Societas IESV, vel etiam alij communicare solent, vel omnino ad seriam orationem: statim incurrit auidi- tas rerum supernaturalium, signorum, reue- lationum, visionum. At vbi tunc humilitas? vbi simplicitas? Nonne etiam illud attinere interpretari possumus ad Dei tentationem, quasi Deo dicamus; Volumus à te signum vi- dere? Nonne habere in animo videmur, non secutos nos viam spiritualem, nisi tempo- rales has consolationes simul acciperemus? His respondet Christus, dandum non esse si- gnum, non dandas veras consolationes, per- uerfas esse & adulteras illas cogitationes: sim-

plicitatem, humilitatem, & fidem esse in ora- tione & spiritalibus exercitijs amplectendas. Non dabitur igitur huiusmodi signum aliud nisi Iona, & Reginae Saba, hoc est nisi poenit- entiae vsus, & meditationis vitae Christi, diui- nae scilicet sapientiae. Vbi enim illae vanitates in cor tuum ascendunt, cogitandum tibi serio de tua est indignitate, de tuis peccatis, de poe- nis quas pro his mereris. Tibi dictum esse ex Dei persona; Adhuc quadraginta dies, & quid scis an subuertaris & pereas? quid dico dies quadraginta? Quid scis an hodie? an nunc cū illas inanitates persequeris? Haec igitur te cogitatio adigat ad poenitentiam, eo spiritu in- gredere ad orationem, & opera tua exerce co- ram Deo ex spiritu poenitentiae, humilitatis, atque simplicitatis. Hinc rursus accipe aliud principium exemplo Reginae Saba. Vehemens desiderium concipe audiendi verbum Dei, hoc incitatus veni ad Christum diuinum Sa- lomonem, eius vitam meditare, praesentiam

omnium mysteriorum ante oculos mentis tuæ pone, inquire, scrutare, ora : fiet vt audias sapientiam Dei, & instruaris ad agnoscendas animi tui prauitates, tuos errores, tuas imperfectiones multas & magnas. Hæc signa pete, hæc persequere, non vanitates & insanias falsas. Nam si secus feceris, fiet vt desiderium illud tuum, cum Deo non placeat, aperiat ianuam illusionibus, & à Diabolo excipiat. Nā qui ita arroganter signa quarit, adducit rerū insolitarum cupiditatē malo spiritui ductus, quæ quid aliud est quàm à Dæmone expetere vanitates & mentis deliria? Resistite igitur fratres Diabolo, & fugiet à vobis, & veras accipietis à Christo IESV consolationes,

*Iacob. 4.*

verum fructum orationum vestrarū & actionum. Canete verò ne vobis eueniat, quod Christus minatus est omnibus sua proportione, ne cum exierit à vobis per veram penitentiam, vel Religionis ingressum Damon vnus, nec amplius crassis vitijs vos superet, tamen vires intendat Satan, & mittat vel plures tentatores, vel fortiozem aliquem spiritum, qui spiritualibus prauitatibus vos deludat atque euertat, & fiant vestra posteriora peiora prioribus, vt sunt vitia spiritualia carnalibus peiora atque difficiliora. Quod auertat malū Christi IESVS, qui est benedictus in secula. Amen.

*Luc. 11.*



FERIA V. POST PRIMAM  
DOMINICAM QVADRAGESIMÆ.

De Chanaanæ.

MATTH. XV.

MAR. VII.

ANNO XXXI.

*In xxxi. imaginem adnotati iuncula.*

xxxii.

61.

- A. Regio Tyri & Sidonis in Phœnice.  
B. Domus in pago, vbi voluit latere IESVS.  
C. Tyrus non longè.  
D. IESVM primum intellige domum ingressum, quem sequuta est mulier.  
E. Egressum consequitur, clamat, rogant pro ea discipuli.

- F. Domus Chanaanæ, & in ea liberata filia à Dæmone.  
G. Edunt catelli de micis cadentibus de mensa discipulorum.

EVAN-